

Xujun má jo, xi catsihindu San Juan

Cjuaquixi cojo cjuahmutacun

¹Ngahan, ngu xuta changá matitjun tsëhé yungun ne, tsihindu nuju ngayun, ngu chjuun xi cavaxijin Nina. Hacuaha cojo yëjë ni quihndi nuju ne, tsingátju nuju ngayujun ni ngu nina naha ta, tsëhé xi tjemu hmú cáacun nuju cojo nguñaja cjuaquixi. Peru hacuiin tu suva ni ngahan ta yëjë ni me xi vëë jain me cjua xi hatuxa cjuaquixi ne, hacuaha tsihmucacun nuju me. ²Cuatjin nihmitacuin nuju, ngatsë rë cjuaquixi xi ha siu cahndé ngajñi rë cjuatacun naja. Hane cjuaquixi xi cuacun jan ne, tsajin nu tsajin nixtin xi cuetjuxin tsajan. ³Nina nahmi naja cojo Jesucristu Quihndi rë me ne, hatuxa sua naja me cjuandaja cjuajeya cojo cjuayumatacun, cuatjin xi ma vanguen tjenguen cjua xi cjuaquixi, hacuaha ma nihmutacun jain xingueen.

Cuanguennduju cojo cjuachacun rë Cristu

⁴Tjemu ndaja camá rë xahasen naha ta, tsëhé xi cavécutaha ngu jo quihndi nuju xi hatuxa hinchajñi me ngajñi rë cjuaquixi, sacuahatjin

Nina Nahmi naja cavitexa naja me. ⁵Quihndë ne, nguehe cuichjá cojo nuju tsan ta meje rë xi ngayejen ni ne, nihmutacun xingueen. Hane cjua vihi xi tichjá cojo nuju ne, hacuiin ngu cjua xatsë xi sehe cavitexa naja Nina ta cjua vihi ne, hacui xi tacun hisca hya xi sehe cavetseen camacjain naja cjua rë Nina. ⁶Hane sa xi nihña jain yëjë ni cjua xi cavitexa naja Nina ne, ngajan matsejen xi tjin jain naja cjuahmutacun. Hane cjua xi cavitexa Nina ne, hacui vihi: meje rë xi nihmutacun xingueen. Hacuaha hacui cjua vëhé xi camachaya nuju hisca hya xi sehe cavetsuhun camacjain nuju cjua rë Nina.

Cjua xi tanguiin cojo cjua rë Nina ne, má cjua ndacha

⁷Cuatjin chjá cojo nuju ta, tsëhé xi ngasunhndë vihi ne, tjemu tjin xuta ndacha xi macjaain rë me xi Jesucristu ne, camá jain me ngu xuta ngasunhndë vihi. Xuta ndacha jan ne, hacui me xi vindacha, hacuaha hacui me xi má condra rë Cristu. ⁸Tjin nuju cuidadu, sehe ngajan xi hacuiin nichayun cjuandaja xi canihñi ngajñi nuju.

Cahndé rē vĕhĕ ne, sacú nuju yĕjë ni cjuatjo xi sua nuju Nina.

⁹Yĕjë ni xuta xi vatjutaha me tsĕhĕ cjua xi cavicuya Cristu ne, tsajin tjin tangun cjuatacun rē me cojo Nina. Peru yĕjë ni xuta xi vetaharcu me suvá ni cjua xi cavicuya Cristu jan ne, me vĕhĕ ne, tjin tangun cjuatacun rē me cojo Nina Nahmi naja cojo Quihndi rē me. ¹⁰Hya xi cjuehe ngu me xi cuichja xi vicuya me cjua rē Nina, peru sa xi cuicuyaain me cjua xi cavicuya Cristu ne, xi catuun cahndé cuisehen me cuejña me ndya nuju. Hisca ngu nina cachjayunnguun

tsĕhĕ me ta, ¹¹sa xi cuatjin tuhun rē me nina ne, sacuaha xi ma tangun yun cojo cjuatsehen xi sahmi me.

Cjua xi vijnetaha

¹²Tjemu cjín sa cjuavisiajmi xi meje cuichjá cojo nuju ngayujun ni. Peru tsihinduun sa nuju sacuahatjin xcun ngu xujun vihi ta, tsĕhĕ xi hatuxa vejña xi cjuĕ tjĕngĕ nuju, sehe cuinújan xcun cojo xcun, sehe ngajan xi tjemu ndaja cuma rē xahasen naja.

¹³Na tichjun, xi hacuaha cavaxijin Nina na ne, tsingatju quihndi rē na ngu nina tsujun.